

PËLLUMBAT PREJ RRUFËVE

poezi

*Adem Zaplluzha - Pëllumbat prej rrufeve*

*Redaktor:*

Përparim Hysi- Poet

*Recensent:*

Përparim Hysi - Poet

*Lektor:*

Veli Veliu

Ballina:

Bashkim Alushi

## PËLLUMBAT PREJ RRUFËVE

## Adem Zaplluzha - Pëllumbat prej rrufeve

Pëllumba prej rrufeve" të Adem Zaplluzhës  
(ese)

Nga Përparim Hysi

Nuk është fare e lehtë që të flasësh për një poet si Adem Zaplluzha. Kjo vështirësi sikur e rrit kurbën e vetë, kur vjen fjala për mua që, si poet, jam krejt i ndryshëm me të. Unë, "primitiv" i shkollës së vjetër poetike të poezisë me rimë dhe ai, evropian dhe kontemporan në gjithë krijimtarinë e tij poetike. Unë aq besnik në rimë, sa zor se gjen qoftë dhe në një strofë të gati dhjetëmijë poezive të mia, që vargjet të mos kenë rimën AB/AB ose AA/BB/, kurse Zaplluzha në njëqind e gjashtëdhjetë e një libra të tij, veç me poezi moderne dhe krejtësisht cilësore ku mesazhet janë të mezikpashme nga lexuesi. Pra, nëse do të shprehem pak më shkoqur, mund të them: për lexuesin tim poezitë që shkruaj janë si aperitiv dhe relaksim dhe kaq. Pra, unë shkruaj që poezia të vejë tek lexuesi, kurse Zaplluzha është i asaj shkolle poetike që kërkon një lexues të kultivuar dhe i bën apel lexuesit që të shkojë tek ai. Të kësaj shkolle, ka plot poetë që

edhe i kanë dhënë një frymëmarrje më të bukur poezisë. Në Shqipëri, të tillë janë Moikom Zeqo, Petraq Risto, Fatmir Terziu dhe, tek përmend vetëm disa syresh, dua t'ju them se nuk jam kritik dhe nuk marrë përsipër të bëjë anamnezën e gjithë kësaj shkolle të bukur poetike, ku ZAPLUZHA ka një vend të veçantë, veç citova sa për një analogji dhe aq.

\*

\* \*

Nëse më shihni që po tentoj që të shkruaj për librin e njëqind e gjashtëdhjetë e një të ZAPLLUZHËS, duhet ta dini që e bëj për disa arsye.

Së pari, jo vetëm më çudit prodhimtaria e tij poetike, por më mahnit. Nuk jam nga ai soj që besoj fort në atë "thënien që sasia bën cilësi", por, sidoqoftë, shkruaj me mendje të kthjellët: ZAPLLUZHHA është poet që sjell poezi cilësore dhe me mesazhe të mëdha. Së dyti, i hyra kësaj pune dhe për një arsye tjetër që është dhe më e bukur. Tek shfletoja ndonjë ese time të vjetër, vëreja, mes tjerash, një ese për "Mëkatet" e Fishtës. E shikova pak "vertikalisht" shkrimin tim dhe tek një nga "mëkatet" lexova: Fishta i shkruan At Donatit: "... në 12 ditë, po vetëm

## Adem Zaplluzha - Pëllumbat prej rrufeve

në 12 ditë kam shkruar 1200 vargje 11-  
rrrokësh dhe 7-rrrokësh, bashkë me "arietet" e  
tjera dhe, të tana këto vargje janë me rimë.  
Kam parasysh Metastasion, i cili në 18 ditë  
ka shkruar melodramën e tij me 1500 vargje.  
Pra,- thotë Fishta,- kam arrit rekord në  
poezinë tonë.

E lexova këtë dhe thashë:- E si mos shkruash  
për një rekord të ri, që për bukuri, u thye po  
brenda poezisë mbarëshqiptare që tash e  
mban POETI ADEM ZAPLLUZHA që për  
5 ditë shkruan një libër të tërë.

\* \*

\*

Sado që nuk jam mirë fizikisht dhe sado i një  
shkolle të ndryshme poetike, këtë ese e  
shkruaj paksa edhe si një kumt malli për një  
profesorin tim të ndjerë të bukurshkrimit, në  
ish Normalen e Elbasanit mes viteve '50- të  
të shekullit XX-të, Piktoria e Merituar,  
BUKUROSH SEJDINI. Profesori i nderuar  
shkruante dhe pikturonte me dorën e majtë.  
Të përdorje "dorën e majtë" në Normale  
është njësoj sikur të ishe me një dorë. Në atë  
kohë, drejtor ishte një NJERI INSTITUCION  
që quhej VASIL KAMAMI. Ky, "majtistin"  
e kish detyruar që të na jepte bukurshkrimin  
dhe këtë ta "demonstronte" në dërrasë të zezë

## Adem Zaplluzha - Pëllumbat prej rrufeve

dhe vetëm me dorën e djathtë. Edhe sot kam parasysh "djersët" që lëshonte ai piktor aq i bukur, kur po aq bukur detyrohej të shkruante me të djathtë. Parabola qëndron se jam bash ai" i majti" që po "shkruaj me të djathtë". Ky është raporti im me poezitë e Zaplluzhës. Pak më tepër e vështirëson punën time,se librin po e lexoj në kompjuter që, në një farë mënyre, është si të"varrosesh vertikalisht".

\* \*

\*

E lexova librin dhe, në një vështrim të përgjithshëm, doja që mos merresha më me të. Se, në fund të fundit, ADEM ZAPLLUZHA nuk ka mbetur pa u lakuar dhe pa u lauruar me çmime, por m'u bë si stres apo si "hije" që nuk më linte rehat. Një mal mbi supe që dua ta heq. Ne, pleqtë, nuk i mbajmë dot zotimet,se ndodh që premtion dhe nuk e mban dot premtimin. Ndaj, me"sforco", po e them fjalën time.

As duhet çuditur se nga e merr lëndën krijuese,ZAPLLUZHA! Çudia qëndron në mbresën që të lë, pasi e lexon. Poezia është, në fund të fundit, një shkrim. Shkrim që e ke përbrenda dhe do ta nxjerrësh jashtë. E

nxjerr dhe vlera e këtij "shfrimi" duket në gjurmët që lë tek lexuesi. Parë me këtë sy, them që ky "shfrim" poetik ia vlen. Nuk them se ekzagjeroj kur këtë "shfrim" ta quaj "vullkan". Arsyetoj pak a shumë kështu: poeti është "vullkani"; magma çan koracën dhe vërshon "llava poetike" made in Adem Zaplluzha. Është një "llavë" sa e nxehtë dhe aq e bukur.

Tek i lexon poezitë, befasohesh me figurat artistike ku në krye të herës qëndrojnë metaforat. Janë të tilla që një lexues sikur e hipnotizojnë dhe e humbet pusullën aq, sa detyrohet që t'i kthehet jo vetëm njërës prej poezive, vetëm e vetëm për të kapur mesazhin.

Poezia,- thotë Lasgush Poradeci,- është divine dhe, poeti, ndërsa shkruan, sikur shenjtërohet. Dhe vërtet kështu ndodh dhe me Zaplluzhën. Ai, sikur shkruan një poezi hyjnore dhe, si çdo gjë "hyjnore", nuk mund të jetë për të tërë,

Por atje ku duhet të vejë pikat mbi i, ai bëhet si një fshat që duket dhe nuk do kallaus,se" ka parë plisa të grisur e të gjakosur në Gjilan/.../kur njeriu përtypte hekur për një fjalë goje/--- ashtu si nuk harron"xhepat që



## Adem Zaplluzha - Pëllumbat prej rrufeve

mbushnin me kandra e hardhuca/ se mos  
kishin fshehur flamur/.

Ranier Maria Rilke (1875-1926), thotë:- Në  
gjërat e rëndësishme e të thella,  
papërshkruemërisht, ne jemi  
vetëm".Pikërisht, në këto çaste të kësaj  
"vetmie të madhe", ZAPLLUZHA shkruan  
vargje,si:"Atdheu nuk gjen kund/ ose"hapi  
krahët, Atdhe, që të vendos kokën/ ose ca më  
tutje:" Kalaja e qytetit tim ishte dhe do të jetë  
kurdoherë varr për të huajt.

Ja dhe një sentencë me vlerë: " në varret  
e etërve/ mbjellim rrape që nuk u bien  
gjethet asnjëherë.

\* \* \*

Poeti ADEM ZAPLLUZHA, sado  
rekordmen në poezi, është me këmbë në tokë  
dhe afër halleve të vendit të tij. Ai  
modestisht thotë:- "Kur erdhi koha,ATDHE,  
kam qit pushkë për ty, por vetëm kaq, por  
nuk mund të rrijë i qetë, kur sheh"hajnat që e  
grabisin( ai shpreson që një ditë do japin  
llogari;). Guxon me zërin e vetë poetik e të  
bërtas:"Evropë bën lojëra çnjerëzore me  
Atdheun tim".

I lidhur gjakësisht me Atdheun, i vjen keq që  
fëmijët e lënë Atdheun se"duan libra dhe  
bukë/ dhe ti,Atdhe, nuk je në gjendje...

*Adem Zaplluzha - Pëllumbat prej rrufeve*

S'mund ta mbyll këtë shkrim timin, pa vënë në dukje se Adem Zaplluzha di ta qëndis bukur dhe lirikën e dashurisë. Vini re vetëm këtë poezi:" Hesht, të lutem"

"... se janë të parëndësishme, fjalët/kur flasin sytë e tu/./Kur buzët dridhen si lule të këputura/ Apo do të pres dhe një mijë vjet/kryesore është të dish pse të vdesësh/ Ose në një poezi tjetër:/po të mos ishe ti/lulet e kaltra nuk do çelnin/ Dhe mund të vazhdoja dhe me vargje të tjera të këtij poeti me vlera të mëdha. Po të vazhdoja më duhet të pranëvija e të tjera pasazhe që si, fshatar që jam dhe jetoj me imazhe nga fshati, Adem ZAPLLUZHËN e përfytyroj si atë mullixhiun e fshatit që e mbush mullirin me grurë poetikë dhe vetëm bluan e bluan duke na dhënë një poezi të bukur e me kaq mesazhe të bardha. Urime,ADEM ZAPLLUZHHA! Me bereqet të bardhë poetik!

Tiranë, 22 gusht 2017

Cikli i parë  
Nën rrënjët e lashtësisë

## DUA TË FLE SI FOSH NJA

Në flokët e saja të mëndafshta  
Era i prek telat e kitarës  
Ti jeton në kujtesën time  
Më lër të qetë  
Për asgjë mos më zgjo sonte

Dua të fle me ëndrrën tende  
Mes mureve të mykura  
Përfetoj vallen e myshqeve  
Kur fytyra e pasqyrës çdo pranverë  
Buzëqesh si flutura mbi altar

Të thashë më lër rehat  
Dua të fle si foshnja  
Në ëndrrën tënde të virgjër  
Mos m'ë prek fluturat e plagosura  
Më lër të fle në kujtesën e ëndrrës

## LEJLEKËT VEÇ KANË FILLUAR SHTEGTIMET

Dy zogj prej argjile  
Në një vazo me dhembje  
Këndojnë në sqepin e ditës  
Era frynë nga lugu i Drinit të Bardhë  
Lejlekët veç filluan shtegtimet

Mes pemëve paska mbetur  
Një shtërg i moshuar  
Oxhaku me pamje surrealistë  
Dhembshurisht i përcjell fluturimet  
Kjo dyndje zogjsh s'do pushoj kurrë

Mbrëmë i mbylla të gjitha dritaret  
Jugu i çmendur  
Mbi një kavak të moshuar  
Luan një melodi me shumë harqe  
Perëndimi shikon fundosjen e anijeve

Në mol nuk i kanë kyçur fanarët  
Drita e diellit duket e zbehtë  
Nga majat e maleve  
Si patriarkët e moshuar zbresin delet  
Etja lëpinë kripën e mbetur të stinës

## SA HERË QË LËKUNDEJ RRËNJA E TOKËS

Në mua rritet një rrap  
Degët e të cilit përfundimisht shtrihen  
Deri te baladat e lashta  
Shtrihen edhe përtej rrënjëve të tokës

Ju kam thënë dhe të gjithë e dini  
Unë jam rrap i dhe poeti  
Që këndojmë për atdheun  
Këndojmë për të mos i harruar sinorët

Me kujtohen tërmetet por rrapit  
Nuk iu dridheshin qerpikët  
Sa herë që lëkundej rrënja e tokës  
Ai stoikisht i duronte dhembjet

Tundej si dallgët e tërbuara te detit  
Ndonjëherë qante si fanari  
Por sërish i rikthehej rrënjëve të veta  
Dhe kënaqej duke kënduar me poetin

## NË MUA RRITET SHPENDI I SHENJTË

Sikur të ishte ashtu  
Siç pohoni ju  
Bota do të dukej shumë e varfër  
Për një pasion  
Për një pëllumb prej rrufeve

Unë e di se në sytë e tua të gështenja  
Mbinë trëndafilat e egra  
Dhe i prekin telat e fjetura të kitarës  
Mbinë puthjet e zogjve  
Kur çelin mjegullat vezë të kuqe

Asnjeri prej jush asnjëherë  
Nuk deshët të kuptoni  
Se pasioni im i ngjan asaj të erës  
Kokëfortësia e juaj  
Më bëri të jem një tjetër njeri

Mos harroni si njerëzit  
I dua pëllumbat  
I dua edhe fluturimet e pakushtëzuara  
Qe u shëmbëlleshin  
Rrufeve të zjarrta

Si në atdheun tim  
Në mua rritet shpendi i shenjtë  
Nga ky gur i stralltë  
Gjithmonë kanë lindur  
Dhe vdekur pëllumbat prej zjarri  
Siç kanë lindur dhe vdekur perënditë  
Ottawë, 6 korrik 2017



## NGA SYTË E KALTRA TË VASHAVE

Ju lutem mos i vrisni pëllumbat që flenë  
Në shpirtin tim  
Në mua jeton një botë e tërë pemësh  
Prej atyre të egra  
Deri te shartimet e të gjitha llojeve

Jetojnë parathëniet e gjelbërimit  
Kur qiellin e shtrydhim  
Për një gllënjë ujë  
Etjes i japim kohë që si njeriu  
Të mendoj për vdekjen e milingonave

Nga sytë e kaltra të vashave  
Çdo mëngjes  
Si në ndonjë përrallë të harruar  
Zgjohen dashuritë  
Zgjohen epshet e pa shfrenuara të shirave

Sa herë që e shoh drenin e egër  
Më kujtohet adoleshenca  
Dhe brirët e thyera të ditës  
Më kujtohen si sot  
Çastet e dënësës së zogjve të egër

Tani më jam i moshuar  
Pamja ime rebele nuk drejtohet asnjëherë  
Në drejtim të vashave çapkëne  
Ato si të turpëruar me nostalgji  
Shikojnë lëndinën dhe vdekjen e gjelbërimit

## PAMË PLISA TË GRISUR E TË PËRGJAKUR

Kam përsëritur me qindra herë  
Se në mëngët e këmishës sime të arnuar  
Fshihen të gjitha llojet e erërave  
Stuhitë dhe furtunat  
Si foshnjat flenë nëpër historitë e arnave

Gjithmonë dhe në çdo kohë  
Më kujtohen kaprojtë e fëmijërisë  
Më kujtohen sutat kur lodronin  
Nëpër gjelbërimin e djegur  
Lodronin pa asnjë ëndërr për të nesërmen

Ishin kohërat kur njeriu përtypte hekurin  
Për një fjalë goje  
E degdisnin nëpër burgjet e nëndheshme  
Nga të cilit mund të dilte  
Vetëm me një arkivol gri

Ishin motet e liga për shqiptarët  
Nëpër rrugët e Gjilanit  
Pamë plisa të grisur e të përgjakur  
Pamë se si i gjuante furtuna me gurë  
Kurse fjalën s'mundte ta burgoste askush

## NDEZIN NGA NJË OSE DY QIRINJ

Të dielave si rrezet e diellit  
Na shkëlqejnë kopsat në gjoks  
Nga syri i tretë i ditës  
Pikon një lloj eliksiri  
Që na i shëron të gjitha problemet

Të dielave dalin plakat  
Me shamia të reja në kokë  
Dhe tërë kohën si në çezme  
Bisedojnë në oborrin e kishës  
Për këmishën e bardhë te Penelopës

Te dielave me vrizma të shiut  
Si me vesën e mëngjesit i lajnë sytë  
Pastaj i afrohen altarit  
Ndez in nga një ose dy qirinj  
E ne nuk mësuam për kë ndizeshin qirinjtë

## NËPËR XHEPAT TONA TË SHQYERA

Të trokiturat nuk na i grithin veshët  
Gati sa na hyri ne gjak  
Ajo muzikë e trishtuar  
Kurse uniformat grive  
Çdo ditë me kondak i binin dyerve  
Më duket se  
Na e kontrollonin edhe gjumin

Sa herë që shkonim në shkollë  
Kërkonin nëpër çantat tona  
Flamuj të fshehur  
Por asnjëherë nuk kuptuam  
Përse i futnin duart e përlyera  
Nëpër xhepat tona me qindra arna

Mbase u mësuam me këto tortura  
Na dukeshin qesharake  
Këto gjeste të papërfillshme  
I mbushnim xhepat me hardhuca  
Besa edhe me kandra  
Sepse diçka tjetër as që meritonin

## NËN RRËNJËT E LASHTËSISË

Qiejt katran e të mugtë  
Nga grykat e mbushura me blozë  
Derdhen mjegullat e plumbta  
Në gjoksin e plagosur të pranverës  
Dita i shtrydhte stërkalat e shiut

Një re e murrme si nga lashtësia  
Zbret shkallëve të qiellit  
Zbret duke i zgjuar nënat nga gjumi  
Nëpër kështjellat e lotëve  
Notojnë fashat e përgjakura

Një varr i vithisur  
Më shumë së njëqind vjet  
Ledhaton drurin e mështeknës  
Nën rrënjët e lashtësisë  
Po çelin gonxhe jaseminët

## ATDHEU IM KRENAR

Hapi krahët atdheu im  
Hapi të fundosem në ëndrrën tënde  
Dua të vdes në përqafimin e drurëve  
Siç vdiqën etërit e mi

Atdheu im i shenjtë  
Me mija poetë kënduan për ty  
Dhe po aq thuren ditirambe  
Ti kurrë i kërrusur gjithmonë krenar

Kur e pata më së vështiri  
Nuk ta pamë lotin në sy  
Këndove duke i lëpirë plagët  
Por kurrë nuk iu dorëzove askujt

Me flamujt e tu të grisur  
Si Gjergji i lidhe të nëntë plagët  
Por lotin kurrë s'ta pamë në sy  
Atdheu im krenar dhe i dëshpëruar

## TË LUTEM LARGOMI ËNDRRAT

Nëse me zë gjumi sonte  
Të lutem  
Largoj ëndrrat nga dhoma ime  
Dua të fle rehat  
Si një patriark pa probleme

Të thashë largomi ëndrrat  
Më kanë lodhur e dërmuar  
Për pak se vdiqa një natë  
Kur i pashë xhelatët  
Si më ofronin në gijotinë

Mos më lërë të fle  
Kam shumë frikë nga kjo natë  
Të lutem largomi ëndrrat  
Më shkallmoi pagjumësia  
Dhe frika nga fantazmat



## RRAPI NË FUND TË LEGJES

E tërë bota po fshihet  
Në pasqyrën e ndryshkur të murit  
Një shi i bezdisshëm po bie  
Pandërprerë po bie  
Mbi krahët e qullura të pëllumbave

Jashtë portave të mbyllura  
Nuk dinë të ndalen  
Ulërimat e lukunive të tërbuara  
Një furtunë e pamëshirshme  
Po ngre kokë në veriperëndim

Në kohëra të liga  
Kur njeriu për njeriun  
Behet ujk  
Me tërë forcën trishtimi kafshon  
Kujtesën e kalbur të pemëve

Kaluan më se njëqind vjet  
Po aq herë si nëpër legjenda  
I dëgjuan vigmat e përroit  
Rrapi në fund të lagjes  
Lodhej duke i numëruar kufomat

## SI ATDHEUN TËND

Pyet kë të duash  
Vëre gishtin në cilin do  
Pikë të hartës ose të globit  
Prapëseprapë  
Ti do të jesh pre e ëndrrave tua

Ik në daç edhe në fund të dynjasë  
Hulumtoi thellësitë  
E të gjitha oqeanëve  
Por si atdheun tënd  
S'do gjesh askund një vend tjetër

Ulu pranë kishës Noter Damë  
Përgjëroi murgjit duke i larë mëkatet  
Në daç pyeti femrat lapërdhare  
Por si atdheun tënd  
S'do gjesh vend askund

## SONTE DUA TË JEM VETVETJA IME

Sa herë që trembem në gjumë  
Në shpirtin e natës  
Ndjej rrëqethjen e zërit  
Nga duart e mi pikojnë gjethet  
Pemët dënesin  
Si kalamajtë e braktisur

Rri pranë gurit të varrit  
Përgjoj në heshtje rritjen e luleve  
Dhe të gjetheve të fishkura  
Në etjen time zgjohet nata  
Nga gotat e të dehurve  
Sterra i përpinë rrënjët e pjergullave

Sonte dua të ngjaj me drurin  
I cili kurrë nuk u lakua  
Nga degët e pamposhtura  
Lindin dhe vdesin ëndrrat  
Më të bukura të puthjeve  
Sonte dua të jem vetvetja ime

## TI DUHET TË JESH PAKËZ MË TEPËR

Të këndosh kur të gjithë vajtojnë  
Do të thotë  
Se ti nuk i ke larë hesapet  
Me mëkatet e tua  
Kjo botë hileqare i ka njëmijë e një dyer  
Shiko me kujdes  
Se cilën do ta hapesh

Nuk të mjafton vetëm kënga  
Njerëzit hipokritë  
Dinë të qajnë dhe të vajtojnë njëkohësisht  
Ti duhet të jesh pakëz më tepër  
Se vetvetja  
Me kërcimin e parë  
Ta kapërcesh rubikonin e të ligave

Të jesh njeri është punë e madhe  
Emrin të cilin e mban  
Nuk ke lindur nga guri  
Por nga një copë delikate prej mishi  
Ty të përket e ardhmja  
Detyrat t'i kryesh në kohë të duhur  
Në plotë kuptimin e fjalës të jesh edhe njeri

## MOS NGURRO EC EDHE DISA HAPA

Të lutem hidhe hapin e parë  
Dalëngadalë  
Kalo deri te dritarja  
E majtë e dhomës së errësuar  
Shtrije vështrimin deri te pemët

Atje do e takosh hijen time të gjunjëzuar  
Shiko më mirë mes xhamave  
Shiko duart që zgjaten deri te ti  
Janë shenjat e para  
Të një përqafimi delikat

Mos ngurro ec edhe disa hapa  
Përtej murit të verbët  
I kam lënë ëndrrat e mia të fishkura  
Afrohu mund të ringjallen  
Nga shikimet e tua prej zjarri

Dikush duhet ta hedh hapin e parë  
Përse të mos jesh tani ti  
Njëqind vjet eca nëpër dhiare  
Dhe kurrë nuk pata fat  
Ta zgjoj nga gjumi ëndrrën time

## NË NJËMIJ E NJË DYER TROKITEM

Përtej hapave tona  
Flaka e verdhë  
Kush mund t' i ndalë sonte zjarret  
Të mos digjet dynjaja

Kyçi qirinjtë e shkyçur  
Hëna paska nevojë për dritë  
Në mol qenkan ankoruar anijet  
Nga spirancat dëgjohen disa vikama

Mbi qiellin e mërrolur  
S'ndalen krakëllimat e reve  
Një kukuvajkë s'pushon së dënesuri  
Qante edhe peshku i humbur

Njëmijë vjet i pritem shirat  
Në njëmijë e një dyer trokitëm  
Trokitëm me ofshamat e pandërprera  
Askush s'deshi të dëgjoj për hallin tonë

## HESHT TË LUTEM

Sa janë të parëndësishme fjalët  
Kur flasin sytë e tu  
Kur buzët dridhen  
Si teli i këputur i kitarës

Sonte hesht  
Mos thuaj asnjë fjalë  
Dëgjoje zërin e shpirtit  
Se si gjëmon nën çatinë e rrënuar

Nga zhurma më janë shurdhuar veshët  
Hesht të lutem  
Dua ta ndjejë zërin e puthjes tënde  
Më pastaj lirisht mund të vdes

## DO TË TË PRES EDHE NJËMIJË VJET

Mbylli qepallat ashtu ngadalë  
Pastaj nëse do  
Lëshohu pingul në gjoksin tim  
Edhe në me mbytësh me sqepin tënd  
Unë serish  
Do jetoj pas vdekjes

Kur hëna lozonjare  
Fundoset në ëndrrën tënde  
Ti hapi portat e mbyllura  
Mbushi shtambat me ujë  
Me mija udhëtarë nate  
Presin shërbimin tënd

Po deshe sonte  
Mbështete kokën delikate  
Mbi gjoksin tim prej shkëmbi  
Fli deri në një tjetër nesër  
Unë kam shumë durim  
Do të të pres edhe njëmijë vjet



## MURGJIT ISHIN TË NGAZËLLYER

Mbi qiellin tim prej zogjve  
U lëshuan meteorët  
Ishte ditë e diel  
Në pasqyrat e vezëve të kuqe  
Për herë të parë i festoja pashkët

Nuk di se çfarë ngjau atë ditë  
Por me mija zogj  
Fluturuan nëpër qiellin e fëmijërisë  
Murgjit ishin të ngazëllyer  
Sa që i këndonin edhe psalmet e huaja

Nuk di se sa vjet na u deshtë  
Ta njohim vetveten  
Por me duket se u deshtë shumë kohë  
Ta mësojmë gjuhën e patave të egra  
Dhe artin e përsosur të fluturimit

## POR PËR KTHIMIN E ULIKSIT

Uliksi kurrë nuk arriti në Itakë  
U bë pre e circes  
Dashuroj udhëtimet e largëta  
Penelopa ishte vetëm një ëndërr  
Në imagjinatën e Homerit

Kam lexuar për anijet e vdekura  
Që shndërroheshin në fantazmë  
Udhëtimet e Guliverit  
Dyllin me të cilin Uliksi  
I mbylli veshët e anijes së fundosur

Fëmijët që ngjajnë përmendoreve  
Duke i pritur anijet e fundosura  
Duken si fluturat gjigante  
Mbi krahët e të cilave  
Fluturojnë mjegullat e zjarrra

Pata dëgjuar edhe për dyndjet e zogjve  
Kur ktheheshin me nga një krah  
Të thyer në atdhe  
Por për kthimin e Uliksit  
Kot prite një qen i murrmë besnik

## ASKUJT PËRPOS HESHTJES

Çdo herë vjen dhe troket  
Në portat e mbyllura  
Kur e dëgjon  
Thirrjen e shurdhët të epshit  
Duart e saja u shëmbëllejnë  
Duarve të natës hileqare

Nuk di se çfarë kërkon nga unë  
Kur troket mbi lëkurën time  
Nga e cila presin evgjitët  
Që pas tharjes së saj  
Të mbarojnë një daulle të përsosur  
E cila mund t'i zgjoj agimet e përgjumura

Kur lëshohen netët sterrë mbi tokë  
Dimrat janë të gjatë e të zinj  
Nuk i ngjajnë asgjëje  
As nuk i shëmbëllejnë e as nuk i besojnë  
Askujt përpos heshtjes  
Nga e cila u plagosën shtatë herë

## PËRRJETONIN NJË ALERGJI KUAJSH

Më kujtohet kur tregonte  
Im gjysh  
Për përplasjet e flamujve  
Netëve të vona tregonte  
Se si nën thundrat e kuajve të luftës  
Shqyheshin rrapet

Nëpër llagëme të mbushura me ujë  
Fshiheshin ushtarët dezertorë  
Priftërinjtë dhe murgjit  
I ndërronin kapelat dhe veladonët  
Qe besa  
Ndërroheshin edhe besimet

Kurrë nuk dihej gjatë luftimit  
Se flamuri i cilës ushtri  
Të binte në dorë  
Kryesore të kesh për çfarë të vdesësh  
Edhe me flamurin e gabuar  
Të shpallnin hero të asaj beteje

Kurse llogëmet e hapura  
Me përplot lagështi dhe myshqe  
Dridheshin në gjeografinë e eshtrave  
Dizgjinët dhe mëgojëzat  
Përjetonin një alergji kuajsh  
Sa që këputeshin si fijet e mëndafshit  
Otwë, 7 korrik 2017

## KUR DJERSITET DHOMA

Eja e dashur nxito  
Nuk kemi kohë të zihen vezët  
Mos i humb këto çaste  
Pashkët për çdo vjet përsëriten

Të kujtohet festa e vitit të kaluar  
Kur i ndiqnim mjegullat e çmendura  
I ndiqnim me padurim  
Mbi sqepin e një zogu të kaltër

Mos humb kohë  
Pas gjerave të kota nuk ia vlen  
Të thashë se festat gjithmonë përsëriten  
Kurse këto çaste kurrë nuk kthehen më

Ja shiko nën pemët ato pak vrizma shiu  
Sa shumë ngjajnë flokëve të tua  
Kur djersitet dhoma  
Sa shumë u shëmbëlleshin fluturave të kaltra

Cikli i dytë  
Mirë u pafshim në një tjetër kohë

## NË VEND TË TYMOSJES

Qëndroj ulur pranë pasqyrës  
Një botë e tërë  
Me tërë durimin e saj  
I rregullon në thonjëza  
Hallet e hallexhinjve të zakonshëm

Përtej dritareve në kopsht  
Shtreza veç ka zënë vend  
Me gjakftohtësi i atakon rrënjët  
Derisa pemët  
Qëndrojnë në këmbët e tyre të dyshimta

Rri ulur herë në divan  
E herë në karrigen time lëvizëse  
Në vend të tymosjes  
I numëroj trespiket e shtatë feve  
I numëroj deri në pakufi

Karrigia lëvizëse më përkund  
Sikur të isha një gisht njeri  
Tespiket me shkërmoqen  
Shkërmoqen si misri i kalbur  
Nëpër duar më mbetet peri i dylltë



## MBI ASFALTIN E LAGUR

Nëse poezia nuk është frymëmarrje  
Çfarë mund të jetë kënga  
Në sqepin e bilbilit  
Ose krakëllima e korbit  
Kur fluturon mbi qytetin tim të djegur

Në shumë raste zërat ndryshojnë  
U shëmbëllojnë hijeve  
Kur thyhen në parmakët e dritareve  
Dielli aq shumë ndriçonte  
Sa që nga sytë e verbëta fluturonin zogjtë

Pemët dukeshin të çuditshme  
U ngjanin njerëzve  
Qëndronin në këmbë ose zvarriteshin  
Mbi asfaltin e lagur  
Nga shirat e egra që ranë këto ditë

## JU LUTEM M'I PËRKUJTONI ZËRAT

Ju lutem m'i përkujtoni emrat e zogjve  
Paskam harruar  
Se si quhej zogu që i ngjanë ujit  
I cili çdo mëngjes ma prishte gjumin

Më duket se kënga e tij shëmbëllente  
Kambanës se kishës së rrënuar në lagje  
Ose ezanit me zë të trashë të hoxhës  
Ju lutem m' i përkujtoni emrat e zogjve

Si kam mundur të harroj  
Sa shumë i shëmbëllen harresa  
Kujtesës sime të varfër  
As njëra e as tjetra nuk me kujtohen

Përpos zërit të erës  
Asnjë zë tjetër nuk më kujtohet  
Ju lutem m' i përkujtoni zërat  
Mbase do harroj edhe të flasë

## KURSE PËR FITORET ASNJË FJALË NUK FLET

Ende pa çelur lulet  
E jargavanit  
Pemët ne qytetin tim japin fryte  
Kalaja me mburrje  
Bisedon për të kaluarën e saj  
Rrëfen për ushtarët e dehur  
Dhe gjeneralët lakuriq  
Tregon për humbjet  
Kurse për fitoret asnjë fjale s'flet

Mbase asnjëherë  
Nuk ka pasur ndonjë triumf  
Ose nga frika dhe tmerri i përjetuar  
I ka harruar emrat  
E të gjitha betejave të mundshme  
Një ditë i pëlçet lëkura nga gëzimi  
Kurse ditën tjetër nga hidhërimi  
Nuk është në gjendje  
T' i numëroj flamujt e humbur  
Nëpër beteja  
Kalaja e qytetit tim gjithmonë ishte  
Dhe kurdoherë do te jetë varr për të huajt

## KUR KEMI KOHË

Kur kemi kohë  
Numërojmë zërat e pemëve  
Nga degët lakurique  
I zbresim ëndrrat e zogjve shtegtarë  
Hënës ja lidhim tasat në bisht  
Dhe ngarendim pas ikjes së saj

Kur kemi kohë të bollshme  
Nga mjegullat shtrydhim  
Gjumin e yjeve  
Dhe gjatë gjithë kohës  
I lodrojmë si kuajt e egër  
Meteorët endacakë

Kur kemi kohë  
Me lule të kaltra thurim  
Sinorët e atdheut të copëtuar  
Dhe në varret e etërve  
Vendosim rrape  
Qe s'u bien asnjëherë gjethet

## JANË THARË PEMËT

Kopshti im paska mbetur pa asnjë lule  
Në buzët e ndryshkura të mëngjesit  
Qenkan fışkur edhe zambakët  
Kjo shtrezë e verdhë  
Po i thanë rrënjët e stinës

Nga frymëmarrja e Lumëbardhit  
Derdhen disa lumenj  
Një etje e ka kapluar qiellin  
Në kopshtet e posa të mbjella  
Janë tharë lastarët

Me qindra vjet po e presim shiun  
E shi nuk bie në tokën tonë  
Para disa ditëve  
Një hardhucë mbi rrasat e fshatit  
Kishte bërë vetëvrasje

## ETJA E JOTE E PANGOPSHME

Mbi një tavolinë antike  
Dy sy si dy diej  
Shëmbëllejnë fluturave të kaltra  
Ti nuk erdhe  
Gota e mbushur me verë të kuqe  
Zbrazej nga kujtesa ime

Nuk mund të të krahasoj  
Me asnjë ëndërr  
Ti je drita dhe zhgjëndrra ime  
Nga ty mësova artin e dashurisë  
Buzët e tua të njoma  
U shëmbëllejnë dallgëve të Jonit krenar

Sa here që më sillesh rreth kokës  
Në mua zgjohet adoleshenca  
Duart e tua  
Etja e jote e pangopshme  
Më lidhin aq fort me zinxhirët e kujtesës  
Sa që edhe të vdekurin po e ringjallin

## MBI SUPET E TUA ATDHE

Nuk jam gur varri  
As toka e lashte e harruar  
Jam njeri  
Një copë mishi i ndrydhur  
Dhe i shtrydhur nga historia lavire

Mbi lëkurën time të grisur  
Kaluan disa luftëra të padrejta  
M' i gërryen sinorët  
Atdheu im nuk i ngjante një toke  
Ishte kusur në duart e hanxhiut

Këtë nuk po ju them unë  
Por kam mësuar dhe dëgjuar nga etërit  
Se tokën time e copëtuan ujkonjat  
Për ta shpëtuar vetveten  
Fushën e Mëllenjave e qitën në treg

Me qindra vite këtu nuk u ndalen  
Gjëmat as vigmat e shpirtrave  
Kush nuk i kalëroj drurët e djegur  
Mbi supet e tua atdhe  
Evropa bëri tregtinë më çnjerëzore

## I NXORA NGA KUJTESA IME

Në thellësinë tende  
I numërova tingujt e heshtur  
Të zërave  
Dielli kishte zbritur aq afër tokës  
Sa që m'i përvëlonte  
Flokët e mi të thinjura

I nxora nga kujtesa  
Të gjitha bojërat e dynjasë  
Pikturova një tjetër diell  
Pa brenga  
Të jetë i barabartë për të gjithë  
Një lloj ta ngrohë tërë dynjanë

Dielli im i ri tani në gjithë botën  
Lodron si kuajt e paçjerrë  
Hingëllon më mirë se mjegullat  
Në pasqyrat konvekse  
Hyn e del  
Si në ndonjë ëndërr të lashtë e magjike



## PAS NJË OSE DY JAVE

Më duket se asnjëherë nuk e pashë  
Boten e ëndrrave  
Gjithmonë nga gishtat e mi  
Pikonte si rrëshira  
Një zhgjëndërr e pashpjeguar

Luleshtrydhet ishin tharë atë verë  
Trëndafilat kishin çelur  
Toptha të zeza prej trëndafili  
E tërë bota ishte mbështjellë  
Me një pluhur të zi kozmik

Njerëzit dhe pemët e egra  
Lindnin nga pluhuri  
Një mbështjellje artificiale  
I shtrëngonte fort nofullat e mi  
Ishte e pamundur të më dëgjohen vigmat

Pas një ose dy jave  
Filluan të bien shirat e baltosur  
Deri në grykë u mbushën rrugët  
Nëpër një ujë të zi katran  
Notonin çatitë e shtëpive të shkulura

## NA KISHTE HARRUAR EDHE VETË KOHË

Më përshëndeti një zë prej baritoni  
Për të dytën e të tretën herë  
Më tha mirëmëngjesi  
Shikova thellë në sytë e tij  
Por nuk e njoha

Na kishte harruar edhe vetë koha  
Në shikim të parë  
Dukeshim si dy të huaj  
Unë me një kapelë të kadifenjtë  
Kurse miku im me dorëza prej kashte

Përshëndeta edhe unë  
Që të dy në mënyrë habitore  
Shikonim njëri-tjetrin  
Nuk bëzamë  
Si kuajt revan vazhduam rrugën

Pas pak sërish u pamë të varret  
Ai me shikonte drejt në sy  
Kurse unë dorezat e tij prej kashte  
Ishim aty për të njëjtën qëllim  
Atë ditë varrosej kujtesa  
Dhe miku ynë i përbashkët

## MIRUPAFSHIM NË NJË TJETËR KOHË

Gëzuar për shëndetin tënd atdhe  
Do e pimë gllënjken e fundit  
Të trishtimit  
Më pastaj  
Do themi lamtumirë njëri – tjetrit

Unë do e marr dynjanë në sy  
Ty po të lë me dertet e tua  
Por për diçka shumë të rëndësishme  
Nuk me mbetet hatri  
Kur ishte koha qita pushkë për ty

Tani po shoh se jeta i paska  
Edhe hallet e saja  
Fëmijët po kërkojnë libra dhe bukë  
Kurse ti atdheu im nuk je në gjendje  
Të na ofrosh këtë kënaqësi

Gëzuar dhe për shëndetin tënd atdhe  
Lamtumirë  
Po të përshëndes me një gllënjke trishtimi  
Mirupafshim në një tjetër kohë  
Edhe fëmijët e mi meritojnë diçka më mirë

## PAMJA JOTE TREDIMENSIONALE

Në dhomën tonë të vjetër  
Me plot lagështi  
Rriten myshqet e verdha  
Përballë pasqyrës së ndryshkur  
Korniza e vjetër me xham të thyer  
Përjeton katarzën e viteve

Ti rri ulur në divan  
Pamja jote tredimensionale  
Paraqet ngjashmërinë më të mirë  
Me Mona Lizën  
Në një mënyrë të paqartë  
Dhe krejtësisht surrealistë derdhen ngjyrat

Nga të katër anët e dhomës  
Si dy kokrra xhevahiri  
Sytë e tu  
Regjistrojnë pamjen e dhomës së errësuar  
Kurse lagështia  
I shëmbëllen psalmeve të perëndive anonim

Gjithmonë e njëjta dhomë  
Shiriti celuloid i shikimit tënd  
Pamëshirshëm regjistron  
Zëzëllimën e mushkonjës  
Kurse portreti yt  
I pakapshëm dhe tri dimensionale  
Sa shumë i ngjanë portretit të Mona Lizës

## GALAKTIKAT SI NË TEATRIN ANTIK

Brenda meje po mbyten detet  
Kallameve dhe grunajave  
Dikush ua vuri flakën  
Digjet toka  
Si baruti i trentë digjet gjelbërimi

Nga shpirti im fluturuan fishekzjarrët  
Qielli i sterruar ndryshoi ngjyrën  
Yjet klandestinë ikën  
Shtatë vjet larg u larguan këndesat e zinj  
Dhe kurrë më nuk kënduan në atdheun tim

Brenda detit po mbytet një njeri  
Në shpirtin e shkumës se kripur  
Hapet një varr  
Galaktikat si në teatrin antik  
I lëshuan perdet e zeza të dhembjes

## NJË TRIO I TRISHTUAR

Si peshkvja nga sytë e tij  
Pikonte errësira  
Një kitare e thyer  
Qante mbi partiturat e grisura

Thonë se vetëm poetët  
Kanë kaq shumë lot dhe fuqi  
T' i këpusin telat e erës  
Stuhia e plagosur gjëmon në breg

Njeriu kitara pa tela  
Dhe poeti  
Një trio i trishtuar  
Recitojnë Poemën e Mjerimit  
Ottawë, 8 korrik 2017

## NJË DITË DO ZGJOHEN DRURËT DHE GURËT

Më keni lodhur e dërmuar  
Me broçkullat e pakripura  
Atdheu im krenar  
Nuk është mollë e kalbur  
Që mund ta kafshoj çdo kandër  
Mos me lodhni më shumë  
Ndaluni me lehjet e juaja monotone

Shumë pak keni dhënë  
E aq shumë kërkoni nga palca e atdheut  
Sa që një ditë do ja rripni lëkurën  
Mbase jeni të pangopshëm  
Ju bijtë e djajve  
Asnjë plumb nuk shkrepet  
Për nderin e tij e sa shumë po kërkoni

Kurse sot jeni duke u krekosur  
Si këndesat e trentë nëpër kafaze të hekurta  
Ju dreqër të dreqërve  
E rropët për së vdekuri  
E sot  
S'ju mjafton kaq doni ta rripni  
Edhe për së gjalli atdheun tim



2.

Lëreni rehat po ju them  
Mos ja lëndoni shpirtin  
O lapërdharë  
Një dite do zgjohen drurët dhe gurtë  
Do ju ndjek ndërgjegjja nëse e kini  
Deri në fund të dynjasë

Ju thashë se jeni dreqër të dreqërve  
Ligësia e juaj nuk ka kufi  
Mos ja ndalni hovin  
Është koha me e përshtatshme  
Për ngritjen e flamujve  
E jo të uljes siç dëshironi ju

Djemuria e tha fjalën e vet  
Ua tregoi udhën djajve të zinj  
Do ju tregoj edhe juve  
Se kah duhet të shkoni  
Mos harroni asnjëherë  
Se një ditë  
Do përfundoni në fëlliqësinë e juaj

3,

Ju njoh mirë kur i keni veshur  
Pantallonat pa brekë  
E sot po ma lodroni atdheun  
Si po i bien daulleve të tjerët  
Merreni veten me të mirë  
Mendoni pakëz  
Do ndryshojnë kohërat një ditë  
Do rritet çmimi i birucës se miut

Kjo tokë do çohet në këmbë  
S'do zvarritet si i plagosuri  
Një ditë do i shëmbëllej Gjergjit  
Do i del përballë bajlozëve të zinj  
Janë lodhur edhe njerëzit  
Po u ngritën një ditë në këmbë  
Vaj halli për ju  
Pak do ju duket fëlliqësira e juaj  
Pak do ju duket fëlliqësira e juaj

4.

Jemi lodhur nga kjo pangopësi  
Atdheu ka nevojë  
Për pak frymëmarrje dhe infuzion  
Jeni duke e ngufatur  
Çdo ditë e me shumë  
Sa që e keni qitur në dy gjunjë

Po i shëmbëllen lëkurës së grisur  
Ose i kafshuar nga gjarpinjtë  
U bëmë gaz i dynjasë  
Luftëtarët po vdesin për një kafshatë buke  
Kurse qentë e juaj hanë në pjata prej ari

Kjo tregon se jeni dreqër të dreqërve  
Krijesa pa ndjenja  
Rrjepacakë  
Duke gënjyer na shikoni në sy  
He ju verbofshin që të dy sytë

5.

Nuk jam i zoti që të ju kërcënohem  
Por po ju them  
Larg duart e pista  
Nga plagët e atdheut tim

Lëreni që njëherë e përgjithmonë  
Le t'i hapi sytë  
Mos ja ngufatni frymëmarrjen  
Tepër është lodhur nga skamja

Merrni çfarëdo që keni plaçkitur  
Vetëm zhdukuni nga ky vend  
Shkoni ku të doni  
Mund të shkoni edhe në dreq të mallkuar

Por atdheun tim lëreni rehat  
Le të merr frymë lirishtë  
Si një tokë e lirë  
Me qindra vjet ja zunë frymën  
Ata që kurrë s' ja deshën të mirën

## TË MOS LËNGOI NGA ASNJË TUFAN

Një lumë po mbytet  
Brenda shpirtit të dallgëve  
Dielli i zbehtë  
Rrezitet në bregun e djathtë të Drinit  
Hasjanët këta burra të gurit  
Gjithmonë kënduan maje krahut

Nga shpirti anonim i drurëve  
I shtrydhen të gjitha këngët  
Kënduan duke vallëzuar  
Por edhe duke vdekur  
Nuk i ndalen  
Asnjëherë zërat e maleve

Kënduan aq shumë sa që mësuan  
Drinin i Bardhë  
Të mos lëngoje nga asnjë tufan  
Ndanë brigjeve të virgjëra  
Mbollën dashurin e gurtë të njeriut  
I cili këndoi për shkronjat e alfabetit

## TI JE FRYMËMARRJA DHE GJAKU IM

Njëmijë vjet kërkova një tjetër Zot  
Udhëtova nëpër xhungla të pakalueshme  
Deteve u dola përballë  
Me tufanet u kacafyta  
Deri në alivanosje  
U kacafyta duke kërkuar Zotin tim

Edhe njëqind vjet te tjerë po të udhëtoja  
Do ishte e pamundur  
Ta shoh Zotin  
Frymëmarrjen që nuk preket  
Iluzion i paparamenduar nga askush  
Por ti je diçka më shume se Zoti

Përpos teje Zot tjetër nuk dua atdhe  
Ti je për mua gjaku  
Dhe frymëmarrja e fisit tim  
Ku m' u rriten dhe vdiqën etërit  
Ku u lindin nipat dhe mbesat  
Ti je frymëmarrje dhe gjaku im atdhe

## OSE DY PASHË PARA MEJE FUNDI

Kush tha se ekziston fundi i botës  
Mos i besoni  
Nuk ekziston as fillimi  
Në sillemi dhe rrotullohemi  
Në një rreth vicioz

Ja këtu mund të jetë fillimi  
Ose dy pashë pare meje fundi  
Por gjithsesi  
Këto hapa vetëm mund t'i numërojmë  
T'i numërojmë deri në pafundësi

As fundi e as fillimi nuk ekzistojnë  
Fillimi është lulja e posa çelur  
Kurse fundi një gjeth i këputur  
Ne të cilin askush nuk arriti  
Ta nuhas bukurinë e aromës së kohës

## PO TË MOS ISHE TI

Po të mos ishe ti  
Lulet e kaltra  
Kurrë nuk do të çelnin puthjet e tua  
Nga shpirti yt  
Derdhen lumenjtë dhe liqenet  
Ti je alfa dhe omega e dashurisë

Je gruaja nëna dhe fjala  
E shkruar dhe e pashkruar  
Mund të jesh edhe bibla  
Libër profetik  
Të cilin e lexon secili njeri  
Por kurrë nuk ia gjen fundin

Je frymëmarrja e erës je grua  
Ledhatimi i gjetheve  
Je gjithçka çfarë nuk jam unë  
Je nocioni që nuk ka të dytë  
Je grua e cila ndjen thellë  
Vazhdimësinë e jetës në mitrën tende



## SI NË NDONJË ËNDËRR

Një ditë ne deshëm  
Ose jo  
Do vij koha  
Kur gjelat e egër do çukitin  
Mbi kufomat tona

Stina do jetë ajo e dimrit  
Sepse mu në dimër lëshuam rrënjë  
Mbi sipërfaqen e mykur të tokës  
Lëshuam thellë  
Deri në shpirtin e myshqeve

Do të vij ora ose zezona e ligë  
Kur secili prej nesh do paguaj  
Borxhin e jetës  
E cila tmerrësisht  
Do hakmerret për të bëmat tona

Kjo ngjanë edhe me drurët dhe bimët  
Shumëvjeçarë dhe gjetherënëse  
Si në ndonjë ëndërr  
Degët e fishkua bien në tokë  
Bien për tu ngritur në një tjetër botë

## PËR TË CILIN E KA PRERË ME KOHË BILETËN

Një ditë e në një kohë  
Mbase asnjëse  
Kur të vij ora e udhëtimit  
Nga gjoksi i jonë i shembur  
Do të flatroj një pëllumb i egër

Dhe në çastin kur na errësohen sytë  
Nga bebëzat e errësuar  
Do ikin përtej deteve dritat e fundit  
Dhe kurrë më  
Nuk do t'i shohim pulëbardhat

Në këtë udhëtim të gjatë  
Mbase do i kërkojmë miqtë tanë  
Ose ata do na kërkojnë neve  
Por asnjëri  
S' mund ta gjej kryqin e vet

Kështu që duhet të përgatitemi  
Të mos presim  
Për t'u gjunjëzuar me përgjërimit tona  
Secili le të udhëtoj me trenin e vet  
Për të cilin e ka prerë me kohë biletën

## TË GJITHA ANIJET E VDEKURA

Sonte do ndalemi në mol  
Do presim derisa kthehen  
Anijet e vdekura  
I kemi kyçur ne çdo skutë  
Qirinjte për shpirtrat e të gjallëve

Domosdo duhet të presim  
Takimet janë aq të dhembshme  
Siç janë edhe lamtumirat  
Shiko se si në bashin e sëmurë të anijes  
Po dënes me ngashërim peshku i artë

Mos m'i ngacmoni ëndrrat  
Sonte kam vendosur t'i pres  
Të gjitha anijet e vdekura  
Secili zog i vetmuar  
Do më sjelli në sqepin e tij një grusht kripë

Druaj se nëse s'do të ketë jetë  
Delet e mia të bardha  
Nuk do i zë pranvera e sivjetshme  
Mbi njëqind vjet e lëpinë lëkurën time  
Delet e bardha të fëmijërisë nostalgjike

## DO ÇELIN ZOGJTË VEZË TË KUQE

Kur të kthehem në atdhe  
Do rri ndanë brigjeve të kaltra  
Nga pulëbardhat do mësoj  
Për anijet e zhdukura transatlantike

Fëmijëve tua kthej shpresat  
Prindit e humbur kur nuk humbin  
Një ditë do të kthehen  
Me lejkët e atdheut tim

Më besoni gjithmonë ndodhin çudirat  
Nga anijet e vdekura  
Fshehur mes velave të bardha  
Do kthehen shpirtrat e etërve

Kur të mbërrimë në atdhe  
Ndanë brigjeve  
Do çelin luleshtrydhet e pritjeve  
Do çelin zogjtë vezë të kuqe

## PAS IKJES SË FLUTURAVE

Prej një dhembjeje në dhembjen tjetër  
Po ikin zogjtë  
Asnjë flutur nuk mbeti  
Në gjeografinë e shpirtit tim

Ishin të kaltra ose të verdha  
Por gjithsesi  
Ishin fluturat e mia të fëmijërisë  
Të braktisura në një legjendë

Njëmijë ose dymijë vjet  
E pata në mendje fyellin e trishtimit  
Nga kujtesa e pemëve  
I shkunda të gjitha të ligat

Pas ikjes së fluturave  
Mbeta si gur varri në shtrojerë  
Kush do t' i këndoje këngët e mia  
Nëse vdesin fluturat blu

Ottawë, 9 korrik 2017

**Cikli i tretë**  
**Pëllumbat prej rrufeve**

## PËLLUMBAT PREJ RRUFEVE

Vrapojnë rrugëve të fëmijërisë  
Pëllumbat prej rrufeve  
Pas tyre s' ndalen as bubullimat  
Perënditë e të reshurave  
Bien si baladat e moçme

Jashtë bën vapë e madhe  
Brenda meje  
Po ngrihen damarët e gjakut  
Kush këndonte mbrëmë  
Në majat e thepitura të kujtesës

Nëpër rrugë shoh bredhje njerëzish  
Fluturat paskan ikur  
Përtej atyre maleve që dënesin  
Një qen endacak nën hijen e mollës  
Varrosi ashtin e drobitur të ditës

Asnjë hije s' mund të gjejnë mushkonjat  
Trishtilat bartin mbi krah të plagosur  
Zjarret e mëdha të dynjasë  
Askund asnjë tas me shëllirë të njelmët  
Lëkura ime e grisur digjet nga vapa

## NJË FUND I TILLË TRAGJIK

-

Në këtë zabullimë të paparë  
Nuk shoh diell  
Mbi kokën time  
Mbase paska vdekur galaktika  
Nga sytë e verbëta  
Të heshtjes mortore  
Pikojnë lotët e ngurtë të ditës

I tërë qyteti dëneste me ngashërim  
Qanin edhe trungjet  
Kavakët e gjymtuar kishin mbetur peng  
Nën shelgjishtat e djegura  
Procesioni kishte rënë në pusi  
Të vdekurit  
Varroseshin nën mjegullat e plumbta

Kjo heshtje e madhe  
Po ngufat tmerrësisht  
Zëzëllimën e bletës  
Mbi hojet e thyera nga furtuna  
Noton tymi i zi  
Një fund i tillë tragjik  
Moti s' ka ngjarë në tokën tonë



## NË MAJE TË PUSHKËS

Nëpër shëtitorët e qytetit  
Për çdo ditë  
Këndon gjeli i zi  
Këndon një baladë të lashtë vaji  
Për mëgojëzat e këputura  
Dhe ushtat e thyera tradhtisht

Lufta ende s' kishte përfunduar  
Në palcën e betejës  
Po zihej ashti im i thyer  
Ajo kthehej me një lule të trishtimit  
Në maje të pushkës  
Kishte vendosur vdekjen e ditës

Arena notonte mbi pellgjet e betejës  
Toreadorët me flamujt e grisur  
I provokonin demat e tërbuar  
Në fushën e nderit  
Një flamur  
Valëvitej si velat e grisura të anijes

## MËNGJESET KËTU KURRË NUK VDESIN

Si nga luftërat e lashta  
Po kthehen barkëtarët  
Po kthehen  
Me nga një rrjetë të boshatisur  
Nga detet e kujtimeve  
Kishte mbetur vetëm peshku i ëndërruar

Në molin me dritat e shkyçura  
Nuk pushonte vallja e mortit  
Vallëzonin peshqit  
E të gjitha llojeve  
Një këndes i zi  
I vajtonte varkat e fundosura

Mëngjeset këtu kurrë nuk vdesin  
Gjithmonë ringjallen  
Për të marr mbi tallazet një udhë të re  
Kurse kuajt e përgjumur  
Presin me nostalgji  
Kthimin e kalorësve të zhdukur

## THONË SE JAVA I KA SHSTATË DITË

1.

Të hënën si gjithmonë  
I laj të gjitha mëkatet  
Dalë nga lëkura ime  
Si gjarpri e lë diku nën thera  
Për t'i varrosur të gjitha të ligat  
Harresën vendosi nën hinore

Për t' u penduar njeriu  
Kurrë nuk është vonë  
Por me një kusht  
Që pendimi të jetë i sinqertë  
Nën degët e mollëve të pjekura  
Asnjëherë nuk mbin manaferrat

Thonë se java i ka shtatë ditë  
Unë pohoj të kundërtën  
Ajo i ka shtatëdhjetë e shtatë ditë  
Po aq edhe net  
Që përcillen instinktivisht  
Me pagjumësinë e gjinkallave

2.

Të martën kur veç ka dalë në rrugë  
Dita e dytë e javës  
Gjerat me shpejtësi marramendëse  
Ndryshojnë itinerarin  
Marrin një tjetër udhë atë të qumështit

Ndoshta prej ditës së hënë  
Kanë mbetur ende mëkate të pashlyera  
Që janë fundosur  
Në fundin e një gote të kristaltë  
Bashkohen me yjet endacakë

Diku në atë bashkë dyzim kosmogonik  
Kalojmë nëpër hijet e fjalëve  
Si mjegullat e hirta strukemi në vetvete  
Sekondat dhe orët që s'pushojnë  
I lëmë shumë larg prapa nesh

3.

Ndoshta për ju do të duket qesharake  
Por të mërkurat  
Kurrë nuk i kam dashur  
Kanë qenë ditët më kobzi  
Në jetën time kryeneç

Me kujtohet kur të mërkurën  
Më përjashtuan nga shkolla  
Shkaku ishte banal  
Në ekskursion shkova me plis  
Që shumë i pengonte një mësuesi turk

Për fatkeqësinë time  
Ishte udhëheqësi i ekskursionit tonë  
Më urdhëroi ta fsheh  
Por njeriu me mend në kokë  
Nuk bënë një poshtërsi të tillë

Dhe ja që pas kthimit tonë  
Në Prizren  
Aq shumë u rritë kjo furtunë  
Sa që të nesërmen më larguan nga gjimnazi  
Pa të drejtë regjistrimi në ish Jugosllavi

4.

Për çudi e enjtja  
Është dita më fatlume  
Në jetën time  
Atë ditë  
E takova yllin të kërkuar  
Udhërrëfyesin më të mirë në jetë  
Ku ende notojmë  
Dallgëve të saja të rrëmbyeshme

Asnjë tallaz  
As tufan i tërbuar  
S' kishte forcë  
Të na ndryshoj itinerarin  
Në ende jemi duke notuar  
Nëpër të njëjtat gjatësi valësh  
Të valëve të jetës

5.

Si fëmijë kur isha  
Më kanë mësuar  
Që të Premteve të vrapoj pas pëllumbave  
Që bëjnë vezë të kuqe

Gjithmonë edhe sot në këtë moshë  
Unë kurrë nuk e ndala vrapin  
Sa shumë i ngjaj erës  
Kur vijnë të Premtet e Shenjta

Më kujtohet fare mirë  
Kur njëherë vrapoja pas gugatjeve  
E zura një flutur  
Duke i ngrënë vezët e kuqe të pëllumbave

Andaj ditët që vijnë pas të Premtes  
Shëmbëlajnë kambanave  
Në secilën kambanore  
E kërkoj pëllumbin tim me një zarf në sqep

6.

Të Shtunave nuk kemi mbjell  
As nuk kemi korrë  
Thonë se nëse e mbjelle grurin  
Bereqeti shumë fish zvogëlohet

E Shtuna është dhe ka qenë dita  
Kur pastronim oborrin e kishës  
Sepse kurrë nuk është kënduar mesha  
Nëse s'janë pastruar mëkatet

Këtë ditë të bekuar  
Dielli lind më afër njerëzve  
Ulet te pemishtet ose rri kacule  
Dhe na ushqen me dashuri

Gjithmonë të Shtunave  
Pasi që e pastronim oborrin e kishës  
Fshehurazi ua jepnim zarfet e kaltra  
Vashave që i dashuronim çmendurisht



7.

Të Dielave ah të Dielave  
Si qershitë çelin lulet e të gjitha llojeve  
Çelin edhe psalmet lule shpirti  
Në zemrat e plakave  
Kur i përcjellin me lot tingujt e organos

Mbi dhe pas zërit të kambanës  
Fluturojnë pëllumbat  
Me pendla të mëndafshta  
Dhe prej argjile  
Fluturojnë nëpër udhën e qumështit

Më kujtohet e diela e parë  
Kur i kunguam zogjtë  
Atë ditë me diell të dashurisë  
Me një gëzim të pa përshkruar  
I puthëm mermerët e kuq të Kosovës

Po ju them singerisht  
Se të dielave shpirtrat zbresin në tokë  
Ringjallet bari i kositur  
Pemët ulen në dy gjunjë  
Dhe bekojnë hyjin për begatit e dhuruara

## LOTI YT MBI LOTIN E TJETRIT

Nuk di kush do të qaj nesër  
Mbi kurmin tim  
Do të vajtoj për mua  
Ose do qaj vetveten e vet

Njerëzit kurdoherë dënesin  
Kur në shpirtin e tyre këputen telat  
Mbase me siguri s' mendojnë për askënd  
Përpos për vetveten

Sa të hidhur dhe të trishtueshëm  
Janë vajtimet e tilla  
Mbi kurmin e tjetërkujt  
Ta vajtosh vetveten

Kështu ka qenë dhe do të jetë gjithmonë  
Loti yt mbi lotin e tjetrit  
Bëhet det i thellë sa që mbyten  
Anijet e gjithë dynjasë

## NJË PËLLUMB I KALTËR SI QIELLI BLU

Përtej xhamave të errësuar  
Shohë një tjetër hënë  
Eklipsi me itinerarin e tij  
I theu në qindra grimca  
Të gjitha rregullat e errësimit

Meteorët paskan zbritur deri te rrapet  
Pinë ujë të akullt  
Nga rrënjët e mështeknave  
Shelgishtet e pikëlluara  
Paskan mbetur mes dy zjarreve

Në mbretërinë e qiellit  
Nuk shihet asgjë  
Përpos ngarendjes së meteorëve me bisht  
Një tjetër diell më i madh  
Po lind në anën e kundërt të qiellit

Mbrëmë gjatë tërë natës  
Nuk u ndalen krakëllimat e korbave  
Lehnin edhe yjet  
Një pëllumb i kaltër në qiellin blu  
Përjetonte metamorfozën e lindjes

## TË PREMTEVE GËZOHEN SI NJË QILIMI

( Një tjetër variant )

Të hënën i laj duart me dhembjen time  
Kurse të martën si gjithmonë  
Deri në ekzaltim i kundërshtoj  
I kundërshtojë sahanlëpirësit  
Të mërkurat janë ditët  
Kur më së shumti i gjykoj mëkatarët

Sepse gjithmonë për mua ishin ditët  
Më fatkeqe në jetën time  
Kur vijnë të enjtet  
Ulem ndanë brigjeve të Drinit të Bardhë  
Dhe me një durim të pashoq  
U kundërvihem zjarreve të kaltra

Që nuk më lejojnë të mendoj ndryshe  
Të premtëve gëzohem si një qilimi  
Kur dëgjoj zërin e kambanës  
Në kishën e Shën Mërisë  
Dhe me padurim e pres të shtunën  
Që t'ja lëshoj mëgojëzat ditës së diel

## AI I KAFSHON FËMIJET

Është një kohë delikate  
Edhe shumë kohë na duhet  
Që të zbuten njerëzit  
Fqinji im  
Për çdo mëngjesi i kafshon  
Lëvoret e pemëve të mbjella

Pastaj del në krye të lagjes  
Jo që s'i ndalen të lehurat  
Por larg i dëgjohen ulërimat  
Në qenien e tij njerëzore  
Sa qe thahen pemët  
Që janë mbjellë para Krishtit

Edhe një tjetër fqinj  
Nuk vepron aspak më ndryshe se ai  
Por veç me një dallim të vockël  
Në vend të pemëve  
Ai i kafshon fëmijët  
Sa që të gjithë e quajnë vampiri i lagjes

## BISEDOVA EDHE ME ENDACAKËT

S'lashë derë pa trokitur  
I pyeta gratë më të bukura të dynjasë  
Ato të mbathura me taka  
Dhe ato tjera me këmbë të zbathura  
Që kalonin si fluturat nëpër kalldrëmet  
E qytetit të Lumëbardhit

Bisedova edhe me endacakët  
Të dehurit e të gjitha llojeve  
Nën dhe mbi urat e Senës  
Por askush asgjë  
Nuk foli asnjë fjalë për ty  
As për ëndrrat e tua

Nuk lashë mbretëri pa kaluar  
Nga lypsarët kërkova derman  
Por askush asgjë  
Nuk dinte për ëndrrat e tua  
Të kota ishin bredhjet e mia  
Nëpër udhët e pamëshirshme të jetës

## ASKUSH NUK I HAPI DRITARET

Posa trokita në derën e parë  
Një grua shtojzovalle  
Si shpirtin e saj  
I hapi portat e mbyllura

Në dhomën gjysmë të errësuar  
Me priti me një buzëqeshje anemike  
Nga pasqyra dolën dy pëllumba të zjarrtë  
Dritaret fluturuan përtej hapësirës

Asnjë zë tjetër përpos heshtjes  
Ajo shikonte me admirim qiriun  
Që ndizej e s'lëshonte dritë  
Një këndes i verdhë mbylli derën

Sërish u dëgjua një trokitje  
Mbase nata ishte shurdhmemece  
Askush nuk i hapi dritaret

Si lulja e egër ajo u mbyll në vetvete

## NË HESHTJE PËRQAFOJNË VETMINË

Nuk di përse nuk i hap qepallat  
Askush nuk është në dhomë  
Vetëm hija e pasqyrës  
Shikon me sytë e saja lakuriqe

Sonte s' gjendet askush pranë nesh  
Duart e tua po me duken të huaja  
Shikimi yt bredharak  
Nuk ndalet në asnjë portë

Nga limani janë larguar  
Anijet e ankoruara  
Vetëm marinarët e dehur  
Në heshtje përqafojnë vetminë

Ti nuk je askund sonte  
Nuk erdhe as në ëndrrën time  
Jastëku i djersitur  
Më shumë së njëqind vjet frymon si njeriu  
Ottawë, 10 korrik 2017



Adem Zaplluzha u lind më 1 shkurt 1943 në Prizren. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Disa kohë punoi si mësues nëpër fshatrat Studençan të Therandës (ish Suharekës) dhe Hoça e Qytetit, afër Prizrenit. Ndërkohë punësohet si përkthyes në Korporatën Energjetike të Kosovës. Me shkrime filloi të merret, kryesisht me poezi, që nga mosha e fëmijërisë. Rugën letrare e nisi me vjershën e parë për fëmijë, të cilën e botoi në revistën “Pionieri” më 1957. Si i punësuar në Korporatën Energjetike të Kosovës, bashkë me shokët e punës dhe të pendës, themeloi grupin letrar “Lulëkuqet e Kosovës”. Në kuadër të punës së këtij grupi letrar, qe botuar përmbledhja “Ngjyra e kohës”, në të cilën u përfshi një numër i konsideruar i poezive të tij. Krahas krijimeve të publikuara në revistat për fëmijë, botoi edhe një serë shkrimesh nëpër gazetatat e kohës, që dilnin në Prishtinë dhe Shkup. Është anëtar i Lidhjes së shkrimtarëve të Kosovës, prezent në disa antologji dhe në librin Kosova letrare të poeteshës Monica Muresha. Është prezantuar në Leksikonin e Shkrimtarëve Shqiptarë

1501-1990, nga Hasan Hasani, në Leksikonin Shkrimtarët Shqiptarë për fëmijë 1872 – 1995, nga Odhise K. Grillo, si dhe në librin Portrete Shkrimtarësh nga Demir Behluli, Prishtinë, 2002. Në maj të vitit 2013 Klubi i Artistëve dhe i shkrimtarëve të Durrësit ia ndau çmimin e karrierës për kontributin e dhënë në letrat shqipe. Jeton dhe krijon në Prishtinë.

## BOTIME TË AUTORIT

1. “Puthje”, poezi, “Rilindja”, Prishtinë, 1974.
2. “Ecjet e viteve të mëdha”, poezi, “Jeta e Re”, Prishtinë 1995.
3. “Çamarrokët e Thepores”, poezi për fëmijë, “Shkëndija”, Prishtinë 1996.
4. “Muret”, poezi, “Jeta e Re”, Prishtinë, 1997
5. “Morfologjia e dhembjes”, poezi, “Faik Konica”, Prishtinë, 2000
6. “Ai vjen nesër”, poezi, Qendra e Kulturës, Klubi letrar “Fahri Fazliu”, Kastriot, 2007
7. “Letër nga mërgimi”, poezi, Klubi letrar “Fahri Fazliu” Kastriot, 2007
8. “Letër nga mërgimi 2 “ poezi, “Qendra e Kulturës”, Klubi letrar , “Fahri Fazliu”, Kastriot 2007

9. “Udhëdarja”, poezi, “Qendra e Kulturës”, Klubi letrar, “Fahri Fazliu”, Kastriot, 2008  
10. “Thirrje e gjakut”, poezi, “Qendra e Kulturës”, Klubi letrar, “Fahri Fazliu” Kastriot 2008

11. “Asgjë sikur molla”, poezi, “Qendra e Kulturës”, Klubi letrar “Fahri Fazliu”, Kastriot, 2009.

12. “Vesa në lotin tim”, poezi, “Qendra e Kulturës”, Klubi letrar “Fahri Fazliu”, 2009,

13. “Puthja e gozhduar”, poezi, “Qendra e Kulturës”, Klubi letrar, “Fahri Fazliu”, Kastriot, 2009.

14. “Kashelasha në vargje”, poezi për fëmijë,” Qendra e kulturës, Kastriot, 2009.

15. “Pema e bekuar”, E përkthyer, Rumani, 2010.

16. “Bajraktarët e vatanit”, poezi satirike, Klubi letrar, ”Fahri Fazliu” Kastriot, 2010.

17. “Hijet e ndryshkura”, poezi,”Qendra e kulturës”, Kastriot, 2010.

18.”Stuhi në Kutulishte”, poezi, ”Qendra e kulturës”, Kastriot, 2010.

19. “Posa ikte nata”, poezi, “Qendra e kulturës “, Kastriot, 2010.

20. “Loja e myshqeve”, poezi,”Qendra e kulturës”, Kastriot, 2010.
21. ”Lumëbardhi dhe gjëma”, poezi,”Qendra e kulturës”, Kastriot, 2010
22. “Metafora e heshtjes”, poezi, “Qendra e kulturës”, Kastriot, 2010
23. ”Hyji në Prekaz”, poezi,”Qendra e Kulturës”, Kastriot, 2010.
24. ”Sinorët e hinores”, poezi, Shoqata e Shkrimtarëve, Kastriot 2010.
25. ”Don Kishoti dhe Rosinanti”, poezi, Shoqata e Shkrimtarëve, Kastriot, 2010
- 26.”Zjarri i dashurisë”, poezi, Shoqata e Shkrimtarëve, Kastriot, 2010
27. ”Kur likenet vallëzojnë”, poezi, Shoqata e shkrimtarëve, Kastriot, 2010
28. “Ditari në vargje”, poezi, Shoqata e Shkrimtarëve, Kastriot, 2010
29. “Tingujt që nuk përfundojnë”, poezi, Shoqata e shkrimtarëve, Kastriot, 2010.
- 30.“Shtegu i mallit”, poezi, Shoqata e shkrimtarëve, Kastriot, 2010
31. ”Korniza e thyer”, Poezi, Shoqata e shkrimtarëve, Kastriot, 2010
32. “Zgjimi i gjëmës”, Poezi, Shoqata e Shkrimtareve, Kastriot, 2010
- 33.“Vallja mistike”, Poezi, Shoqata e Shkrimtarëve, Kastriot, 2010

34. "Merre kodin", Poezi për fëmijë, Shoqata e shkrimtarëve, Kastriot, 2011
35. "Letër atdheut" poezi, Shoqata e Shkrimtarëve, Kastriot, 2011
36. "Tejdukshmëria e shiut", Poezi, Shoqata e Shkrimtarëve, Kastriot, 2011
37. "Përtej teje", poezi, Shoqata e Shkrimtarëve, Kastriot, 2011
38. "Sa afër e sa larg", poezi, Shoqata e shkrimtarëve, Kastriot, 2011
39. "Vallja e zanoreve", Poezi, Shoqata e Shkrimtarëve, Kastriot, 2011
40. "Ikja e eshtrave", Poezi për të rritur, Shoqata e Shkrimtarëve, Kastriot, 2011
  
41. "Kalorësit e mjegullave", Poezi, Shoqata e shkrimtarëve, Kastriot, 2012
42. "Hingëllimat e shiut", Poezi, Shoqata e Shkrimtarëve, Kastriot, 2012
43. "Kur pemët i ndërrojnë këmishët". Poezi, Shoqata e Shkrimtarëve, Kastriot, 2012
44. "Mirëmëngjesi Imzot", Poezi, Shoqata e shkrimtarëve, Kastriot, 2012
45. "Kafshimi i mikut", Poezi satirike, Shoqata e Shkrimtarëve, Kastriot, 2012
46. "Atje tej maleve", Poezi, Shoqata e shkrimtarëve, Kastriot, 2012

47. “Heshtja që del në shesh,” Poezi, Shoqata e Shkrimtarëve, Kastriot, 2012
48. “Portat e shpresës”, Poezi, Shoqata e shkrimtarëve, Kastriot, 2012
49. “Në dhomën time gjysmë të errët”, Poezi, Shoqata e Shkrimtarëve, Kastriot, 2012
50. “Kinse Lojë Shahu”, Poezi, Shoqata e Shkrimtarëve, Kastriot, 2012
51. “ Për çdo dekadë nga një baladë “, Poezi, Shoqata e Shkrimtarëve, Kastriot, 2012
52. “Fusha e mëllenjave”, Poezi, Shoqata e shkrimtarëve, Kastriot, 2012
53. “E kujt është kjo vetmi”, Poezi, Shoqate e Shkrimtarëve, Kastriot, 2012
54. “Mos pyet për adresën e lumit”, Poezi, Shoqata e Shkrimtarëve, Kastriot, 2012
55. “ Stoli në parkun vjetër” Poezi, Shoqata e Shkrimtarëve, Kastriot, 2012
56. “Urori i stralltë”, poezi, Shoqata e shkrimtarëve, Kastriot, 2012
57. “Po të mos ishte fjala”, Poezi, Shoqata e shkrimtarëve, Kastriot, 2012
58. “Thyerja e urave”, poezi, Shoqata e shkrimtarëve, Kastriot, 2012
59. “ Trokëllimat në gjumin e dallgëve”, Poezi, Shoqata e Shkrimtarëve, Kastriot, 2012

60. “ Në flokët e dëborës”, poezi, Shoqata e shkrimtarëve, Kastriot, 2012
61. “Një grusht nostalgji”, Poezi, Shoqata e Shkrimtarëve, Kastriot, 2012
62. “ Kur filluan të flasin njerëzit”, poezi, Shoqata e shkrimtarëve, Kastriot, 2012
63. “Kur stinët kapërcejnë fshehurazi”, poezi, Shoqata e Shkrimtarëve, Kastriot, 2012
64. “ Lisi në rrënjët e veta” , Poezi, Shoqata e shkrimtarëve, Kastriot 2012
65. “Eca ecëm dhe do ecim”, Poezi, Shoqata e Shkrimtarëve, Kastriot, 2012
66. “Fëmijët e erës”, Poezi, Shoqata e shkrimtarëve, Kastriot 2012
67. “ Çast në fund të stinës”, Poezi, Shoqata e Shkrimtarëve, Kastriot, 2012
68. “Si të flas me drurët”, Poezi, Shoqata e Shkrimtarëve, Kastriot, 2012
- 69, “ Më pëlqejnë mendimet e tua”, Poezi, Shoqata e Shkrimtarëve, Kastriot , 2012
70. ”Andej dhe këndej kohës”, poezi, Shoqata e Shkrimtarëve, Kastriot , 2012
71. “Zëri i heshtjes”, poezi, Shoqata e Shkrimtarëve, Kastriot, 2012
72. “Kush i lexoi letrat prej erës”, poezi, Shoqata e Shkrimtarëve, Kastriot, 2012



73. “ Fluturimi i korbave në netët pa hënë”,  
prozë poetike, Shoqata e shkrimtarëve,  
Kastriot, 2012

74. “Koha e ime dhe koha e jote”, Poezi,  
Shoqata e Shkrimtarëve, Kastriot , 2012

75.” Diku te një baladë”, Poezi, Shoqate e  
Shkrimtarëve, Kastriot, 2012

76. “ Sonte çdo gjë po i përngjan  
lotëve”,Poezi, Shoqata e shkrimtarëve,  
Kastriot, 2012

77 “ Ky def prej hëne”, Poezi, Shoqata e  
Shkrimtarëve, Kastriot, 2012

78.“Pyesni zogjtë në ikje ”,Poezi , Shtëpia  
botuese “Fahri Fazliu”, Kastriot 2013

79 “ Fërfërimë gjethesh”, Poezi, Shtëpia  
botuese “Fahri Fazliu”, Kastriot, 2013

80. “Refrene yjesh”, Poezi, Shtëpia botuese  
“Fahri Fazliu”, Kastriot, 2013

81. “Te delta e mjellmave”, Poezi, Shtëpia  
botuese “Fahri Fazliu”, Kastriot, 2013

82.“Rinjohja”, Poezi, Shoqata e  
Shkrimtarëve “Fahri Fazliu”, Kastriot, 2013

83.“Diku në fund të një fillimi”, Poezi,  
Shoqata e Shkrimtarëve, “Fahri Fazliu”,  
Kastriot, 2013

84.“Mëkati i hijes”, Poezi, Shoqata e  
Shkrimtarëve “ Fahri Fazliu”, Kastriot, 2013

85. “Një zog prej uji”, Poezi, Shoqata e Shkrimtarëve “Fahri Fazliu”, Kastriot, 2013

86. “Asnjë fjalë nuk frymon”, Poezi, Shoqata e Shkrimtarëve, “Fahri Fazliu”, Kastriot, 2014.

87. “Daullet e një nate”, Poezi, Shoqata e shkrimtarëve “Fahri Fazliu”, Kastriot, 2014

88. “Sy të e gurtë të erës”, Poezi, Shoqata e Shkrimtarëve “Fahri Fazliu”, Kastriot, 2014

89. “Kur dehen perënditë”, Poezi, Shoqata e Shkrimtarëve “Fahri Fazliu”, Kastriot, 2014

90. “Fjetëm njëqind shekuj” Prozë poetike, Shoqata e Shkrimtarëve “Fahri Fazliu”, Kastriot, 2014.

91. “Krakëllimat e natës”, Poezi, Shoqata e shkrimtarëve “Fahri Fazliu”, Kastriot, 2014

92. “Ndjekësit e enigmave”, Poezi, Shoqata e Shkrimtarëve “Fahri Fazliu”, Kastriot, 2014

93. “Atdheu i paçmuar” Poezi, Shoqata e Shkrimtarëve “Fahri Fazliu”, Kastriot, 2014

94. “Psalm i harruar”, Poezi, Shoqata e Shkrimtarëve, “Fahri Fazliu” Kastriot 2014

95. “Për kë po bie moj kamberë”, Poezi Shoqata e Shkrimtarëve “Fahri Fazliu”, Kastriot, 2014

96. “Mbi flokët e ullukëve”, Poezi, Shoqata e Shkrimtarëve “Fahri Fazliu” Kastriot 2014

97. “Menatë vijnë lejlekë”, Poezi, Shoqata e Shkrimtarëve “Fahri Fazliu” Kastriot 2014
98. “Loti i gotës së dehur” , Poezi, Shoqata e Shkrimtarëve “Fahri Fazliu” Kastriot 2014
99. “Stina asnjëse”, Poezi, Shoqata e Shkrimtarëve “Fahri Fazliu” Kastriot 2014
100. “Dëneste bashkë me erën” Poezi, Shoqata e Shkrimtarëve “Fahri Fazliu” Kastriot 2014
101. “Druri i pikëlluar”, Poezi, Shoqata e Shkrimtarëve, “Fahri Fazliu”, Kastriot, 2014
102. “Një grusht dashuri”, Poezi, Shoqata e Shkrimtarëve, “Fahri Fazliu”, Kastriot, 2014
103. “Lëreni zërin tim”, poezi, Shoqata e Shkrimtarëve, “Fahri Fazliu”, Kastriot, 2014
104. “Shi në qytetin tim”, Poezi, Shoqata e Shkrimtarëve, “Fahri Fazliu”, Kastriot, 2014
105. “Si trenat e verbër ”, Poezi, Shoqata e Shkrimtarëve, “Fahri Fazliu”, Kastriot, 2014
106. “Zjarri i malli tim ”, Poezi, Shoqata e Shkrimtarëve, “Fahri Fazliu”, Kastriot, 2014
107. “Kur teshtin era”, Poezi, Shoqata e Shkrimtarëve, “Fahri Fazliu”, Kastriot, 2014
108. “Mbi shpirtin e erës pagane”, Poezi, Shoqata e Shkrimtarëve, “Fahri Fazliu”, Kastriot, 2014

109. “Nëpër gjymtyrët e mjegullave”, Poezi, Shoqata e Shkrimtarëve, “Fahri Fazliu”, Kastriot, 2014
- 110.”Ajo nuk erdhi sonte” Poezi, Shtëpia Botuese “TREND”, Prishtinë, 2015
- 111.”Një hënë e zhveshur”,Poezi, Shtëpia Botuese “TREND”, Prishtinë, 2015
112. “Nëpër plasaritjet e mureve”, Poezi, Shtëpia Botuese “TREND”, Prishtinë, 2015
- 113.“Mes telave gjembor ”, Poezi, Shtëpia Botuese “TREND” ,Prishtinë, 2015
114. “Të vizatosh një zog në mur”, Poezi, Shtëpia Botuese “TREND”, Prishtinë, 2015
- 115.” Nuk flenë as kuajt e dehur” Poezi, Shtëpia Botuese “TREND”, Prishtinë, 2015
- 116.”Fluturojnë zogjtë e verbër ” Poezi, Shtëpia Botuese “TREND”, Prishtinë, 2015
117. “Një shi prej bryme” , Poezi, Shtëpia Botuese “TREND” , Prishtinë, 2015
118. “Në prehrin e pemëve” Poezi, Shtëpia Botuese “TREND” , Prishtinë, 2015
119. “Zëri i largët i shiut ”, Poezi Shtëpia Botuese “TREND”, Prishtinë, 2015
120. “Yjet e ngrira të kujtesës ” , Poezi, Shtëpia Botuese “TREND”, Prishtinë, 2015
121. “ Thirrmat e hijeve”, Poezi, Shtëpia Botuese”TREND”, Prishtinë, 2015

122. “Dritaret e verbëta ”, Poezi, Shtëpia Botuese “TREND”, Prishtinë, 2015
- 123 . “Përtej portave të mbyllura” , Poezi, Shtëpia Botuese “TREND”, Prishtinë, 2015
124. “Malli i etjes” Poezi, Shtëpia Botuese “TREND”, Prishtinë, 2016
125. “Kur qajnë pemët ”, Poezi, Shtëpia Botuese “TREND”, Prishtinë, 2016
126. “Të dielave në qytetin tim ”, Poezi, Shtëpia Botuese “TREND”, Prishtinë, 2016
127. “ Nëpër brigjet e kujtesës” Poezi, Shtëpia Botuese “TREND”, Prishtinë, 2016
128. “Rrugës qante një stërqok”, Poezi, Shtëpia Botuese “TREND”, Prishtinë, 2016
129. “Kali im prej bore” , Poezi, Shtëpia Botuese “TREND”, Prishtinë, 2016
130. “Përballë hijes së mollës ”, Poezi, Shtëpia Botuese “TREND “, Prishtinë, 2016
131. “Jehu i zërave”, Poezi, Shtëpia Botuese “TREND”, Prishtinë, 2016
132. “Në kujtesën e pemëve ”, Poezi, Shtëpia Botuese “TREND “, Prishtinë, 2016
- 133.“Më mirë një gjysmë ëndrre ”, Poezi, Shtëpia Botuese “TREND “, Prishtinë, 2016
- 134.“Një dry prej dylli ” Poezi, Shtëpia Botuese “TREND”, Prishtinë, 2016.
- 135.“ Në anën tjetër të mendjes”, Poezi, Shtëpia Botuese “TREND”, Prishtinë, 2016

136. “Sa shumë ethe pat dimri sivjet”, Poezi, Shtëpia Botuese “TREND”, Prishtinë, 2016
137. “Enigmat e kashelashave ”, Poezi, Shtëpia Botuese “TREND”, Prishtinë, 2016
138. “Nuk i them uinë dot kësaj liri” , Poezi, Shtëpia Botuese “TREND”, Prishtinë, 2016
139. “Fluturat prej letre ”, Poezi, Shtëpia Botuese “TREND”, Prishtinë, 2016
140. “Fluturimi i gjinkallës”, Poezi, Shtëpia Botuese “TREND”, Prishtinë, 2016
141. “Kumritë prej deltine”, Poezi, Shtëpia Botuese “TREND”, Prishtinë. 2016
- 
142. “Më pritni te baladat e gurit”, poezi, Shtëpia Botuese “TREND”, Prishtinë, 2017.
143. “Trenat këtu gjithmonë vonohen”, Poezi, Shtëpia Botuese “TREND”, Prishtinë. 2017
144. “Lulëzojnë gjethet e ullinjve”, poezi, Shtëpia Botuese “TREND”, Prishtinë, 2017
145. “Teatri antik i kujtesës”, Poezi, Shtëpia Botuese “TREND”, Prishtinë. 2017
146. “Portreti i lirisë”, poezi, Shtëpia Botuese TREND”, Prishtinë, 2017
147. “Një stinë delikate”, poezi, Shtëpia Botuese TREND”, Prishtinë, 2017
148. “Te ullishtat e vjetra ”, Poezi, Shtëpia Botuese “TREND”, Prishtinë. 2017
149. “Ishim të lumtur si gjinkallat”,

poezi, Shtëpia Botuese TREND”, Prishtinë, 2017

150.“Pikëllimet e rrënjëve”, Poezi, Shtëpia Botuese “TREND”, Prishtinë. 2017

151.“Telat e shirave ” poezi, Shtëpia Botuese TREND”, Prishtinë, 2017

152.“Një stuhi prej bryme”, Poezi, Shtëpia Botuese “TREND”, Prishtinë. 2018

153.“Sonte s’ka dashuri ” poezi, Shtëpia Botuese TREND”, Prishtinë, 2018

154.“i shëmbëllente pluhurit kozmik”, Poezi, Shtëpia Botuese “TREND”, Prishtinë. 2018

155.“Llamburite atdheu i plagosur” poezi, Shtëpia Botuese TREND”, Prishtinë, 2018

156.“Gurët e pjekura shtatë herë” poezi, Shtëpia Botuese TREND”, Prishtinë, 2018

157. “Kur të dalë nga kjo stinë” poezi, Shtëpia Botuese TREND”, Prishtinë, 2018

158.“Ishin thyer te gjitha urat ” poezi, Shtëpia Botuese TREND”, Prishtinë, 2018

159.“Gjethi i këputur në vjeshtë ” poezi, Shtëpia Botuese TREND”, Prishtinë, 2018

160.“Ti mundesh nëse do poezi, Shtëpia Botuese TREND”, Prishtinë, 2018

161.“Pëllumbat prej rrufeve”, poezi, Shtëpia Botuese TREND”, Prishtinë, 2018

## Adem Zaplluzha - Pëllumbat prej rrufeve

Adem Zaplluzha u lind më 1 shkurt 1943 në Prizren. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Disa kohë punoi si mësues nëpër fshatrat Studençan të Therandës (ish Suharekës) dhe Përmbajtja:

Cikli i parë

Nën rrënjët e lashtësisë

Dua të fle si foshnja

Lejlekët veç kanë filluar shtegtimet

Sa herë që lëkundej rrënja e tokës

Ne mua rritet shpendi i shenjtë

Nga sytë e kaltër të vashave

Pamë plisa të grisur e të përgjakur

Ndezin nga një ose dy qirinj

Nëpër xhepat tona re shqyera

Nën rrënjët e lashtësisë

Atdheu im krenar

Te lutem largomi ëndrrat

Rrapi në fund të lagjes

Si atdheun tënd

Sonte dua të jem vetvetja ime

Ti duhet të jesh pakëz më tepër

Mos ngurro ec edhe disa hapa

Në njëmijë dyer trokitëm



Heshte të lutem  
Do të pres edhe njëmijë vjet  
Murgjit ishin të ngazëllyer  
Por për kthimin e Ulksit  
Askujt përpos heshtjes  
Përjetonin një alergji kuajsh  
Kur djersitet dhoma

Cikli i dytë  
Mire u pafshim në një tjetër kohë

Ne vend te tymosjes  
Mbi asfaltin e lagur  
Ju lutem m' i përkujtoni zërat  
Kurse për fitoret asnjë fjale nuk flet  
Kur kemi kohe  
Janë tharë pemët  
Etja e jote e pangopshme  
Mbi supet e tua atdhe  
I nxora nga kujtesa ime  
Pas një ose dy jave  
Na kishte harruar edhe vet koha  
Mirupafshim në një tjetër kohë  
Pamja jote tredimensionale  
Galaktikat si në teatrin antik  
Një trio i trishtuar  
Një dite do zgjohen drurët dhe gurët

2.

3.

4.

5.

Të mos lëngoј nga asnjë tufan

Ti je frymëmarrja dhe gjaku im

Ose dy pash para meje fundi

Po te mos ishe ti

Si në ndonjë ëndërr

Për të cilin ka prerë me kohë biletën

Të gjitha anijet e vdekura

Do çelin zogjtë vezë të kuqe

Pas ikjes së fluturave

### **Cikli i tretë**

#### **Pëllumbat prej rrufeve**

Pëllumbat prej rrufeve

Një fund i tille tragjik

Në maje të pushkës

Mëngjeset këtu kurrë nuk vdesin

Thonë se java i ka shtatë ditë

1,

2.

3.

4`

5.

6.

7.

Loti yt mbi lotin tjetrit  
Një pëllumb i kaltër si qielli blu  
Të premtëve gëzohem si qilimi  
Ai i kafshon fëmijët  
Bisedova edhe me endacakët  
Askush nuk i hapi dyert  
Në heshtje përqafoi vetminë